

Campaña de vacinación antigripal 2020

Instrucción



XUNTA DE GALICIA

A información relativa a esta campaña pódese consultar na web temática da gripe da Dirección Xeral de Saúde Pública:

<http://gripe.sergas.gal>

INSTRUCCIÓN: 20/20

ASUNTO:

Campanha de vacinación antigripal 2020

ORIXE:

DIRECCIÓN XERAL DE SAÚDE PÚBLICA
DIRECCIÓN XERAL DE ASISTENCIA SANITARIA

DESTINATARIOS:

Centros de saúde / hospitais públicos / hospitais e centros médicos privados / residencias da terceira idade / centros penitenciarios / unidades asistenciais de drogodependencias / centros de menores e colexios-residencias / residencias de discapacitados / outros tipos de centros / xefaturas territoriais da Consellería de Sanidade / áreas sanitarias

INICIO DA CAMPAÑA: 13 de outubro de 2020

FINALIZACIÓN: 31 de decembro de 2020

Edita: Consellería de Sanidade. Dirección Xeral de Saúde Pública

ÍNDICE

INFORMACIÓN BÁSICA DA CAMPAÑA	4
Introdución	6
1. Obxectivos da campaña	8
2. Duración da campaña	8
3. Administración da vacina fronte á gripe	9
4. Poboación diana	9
4.1. Persoas con risco de complicacións	9
■ Persoas de 60 ou máis anos	9
■ Persoas institucionalizadas de maneira prolongada	9
■ Persoas de calquera idade (6 meses-60 anos) que teñan maior risco de complicacións derivadas da gripe	9
4.2. Persoas que lles poden transmitir a gripe a persoas con alto risco de presentar complicacións.....	10
4.3. Outras persoas nas que se recomenda a vacinación	11
5. Información técnica sobre as vacinas antigripais	11
■ Composición	11
■ Indicacións por tipos de vacina	12
■ Pautas e vía de administración	12
■ Conservación	13
■ Inmunoxenicidade e efectividade	13
■ Efectos secundarios	14
■ Precaucións e contraindicacións	15
■ Administración simultánea da vacina antigripal e outras vacinas	16
6. Xestión	16
6.1. Distribución de vacinas a puntos de vacinación	16
6.2. Recepción das vacinas e mantemento da rede de frío	19
6.3. Rexistro das doses administradas	20
6.4. Recollida de doses sobrantes	22
7. Seguimento e avaliación da campaña. Informes	22
ANEXOS	25
I. Coordinadores/as das áreas sanitarias	26
II. Xefaturas territoriais da Consellería de Sanidade	27

INFORMACIÓN BÁSICA DA CAMPAÑA

! **Data de inicio:** 13/10/2020

! **Data de finalización:** 31/12/2020

Novidades máis salientables

! Utilización de 3 tipos de vacinas con catro nomes comerciais:

- Adxuvada trivalente: **Chiromas[®]** 65 ou máis anos.
- Alta carga tetravalente: **Fluzone HD[®]** 65 ou máis anos ingresados en residencias.
- Tetravalentes: **Vaxigrip Tetra[®]** 6 ou máis meses e menores de 65 anos.
Influvac Tetra[®] 3 ou máis anos e menores de 65 anos.

! Vacinación en puérperas nos 6 primeiros meses tras o parto.

Administración da vacina fronte á gripe

! Esta vacinación realízase como consecuencia dunha decisión da autoridade sanitaria en materia de saúde pública, por un risco epidemiolóxico e co fin de preservar a saúde colectiva e a das persoas cun maior risco de desenvolver complicacións por esta enfermidade, polo que non require diagnóstico nin prescrición previa.

É importante, este ano máis que nunca, concertar cita para a vacinación nos centros de saúde e non acudir directamente sen estar citado.

Poboación diana

- ! Persoas de 60 ou máis anos, especialmente as persoas de 65 ou máis anos.
- ! Residentes en institucións pechadas (residencias de persoas maiores e outros centros de atención a crónicos).
- ! Mulleres embarazadas en calquera trimestre da xestación e durante o puerperio, nos primeiros 6 meses tras o parto, se non foron vacinadas anteriormente.
- ! Nenos e adolescentes (de 6 meses a 18 anos) con tratamentos prolongados de ácido acetilsalicílico.
- ! Nenos de entre 6 meses e dous anos de idade que naceran prematuros (<32 semanas de xestación).
- ! Persoas menores de 60 anos e maiores de 6 meses con patoloxías de risco (definidas na instrución).
- ! Profesionais ou estudantes en prácticas de centros sanitarios, servizos e establecementos sanitarios.
- ! Persoas que traballan en institucións xeriátricas ou en centros de atención a enfermos crónicos.
- ! Persoas que proporcionan coidados domiciliarios a pacientes de risco ou a persoas maiores.
- ! Conviventes (incluídos nenos) de persoas pertencentes a grupos de risco.
- ! Persoas que traballan en servizos esenciais para a comunidade.
- ! Traballadores expostos directamente ás aves domésticas ou porcos nas granxas ou explotacións avícolas ou porcinas, e tamén ás aves silvestres.

Vacinas da campaña

- ! **Chiromas[®]** para persoas de 65 ou máis anos.
- ! **Fluzone HD[®]** para persoas de 65 ou máis anos en **residencias**.
- ! **Vaxigrip Tetra[®]** para persoas menores de 65 anos (a partir dos 6 meses).
- ! **Influvac Tetra[®]** para menores de 65 anos (a partir dos 3 anos).

Pauta de vacinación

- ! Unha dose (agás os menores de 9 anos, que necesitan dúas no caso de ser a súa primeira vacinación contra a gripe).

Distribución de vacinas

Carga inicial:

- Os centros pertencentes ao Sergas e hospitais privados recibirán a carga inicial de doses sen teren que solicitala.
- Os restantes centros (centros médicos privados, residencias...) deberán solicitar a carga inicial de doses das diferentes vacinas á xefatura territorial da Consellería de Sanidade correspondente.

Distribución:

	Días de distribución		
13-23 de outubro	martes	mércores	venres
26 de outubro / 31 de decembro	martes	xoves	

Sistemática de peticións:

Vía web. Prema no seguinte botón:

web

<https://cutt.ly/RfSvUW6>

Rexistro de doses

Centros pertencentes á rede Sergas: módulo habilitado en IANUS.

Restantes centros: vía web. Prema no seguinte botón:

web

<https://cutt.ly/GfSv4jh>

Web temática da gripe da Dirección Xeral de Saúde Pública

<http://gripe.sergas.gal>

Contacto

Xefaturas territoriais da Consellería de Sanidade

A Coruña

Correo electrónico: corunavacinas.dlpc@sergas.es

Tfnos.: 981 082 250 / 981 082 353 / 981 155 822 /

981 082 264 / 981 082 261 / 981 082 252

Lugo

Correo electrónico: xtlu.vacinas@sergas.es

Tfnos.: 982 292 117 / 982 292 113

Ourense

Correo electrónico: vacinas.sanidade.ourense@sergas.es

Tfnos.: 988 066 513 / 988 066 347

Pontevedra

Correo electrónico: vacinas.delegación.pontevedra@sergas.es

Tfnos.: 986 885 881 / 986 885 824 / 986 885 826

Unidade de Vigo

Correo electrónico: vacinas.delegación.pontevedra@sergas.es

Tfnos.: 986 817 724 / 986 877 232

Áreas sanitarias

A Coruña e Cee

Tfnos.: 981 178 000 Ext. 297 211 / 291 023

Ferrol

Tfnos.: 981 334 018 / 234 008

Santiago de Compostela e Barbanza

Tfnos.: 250 480

Lugo, Cervo e Monforte de Lemos

Tfno.: 536 299

Ourense, Verín e O Barco de Valdeorras

Tfno.: 988 385 512

Pontevedra e O Salnés

Tfno.: 986 807 011 / 287 011

Vigo

Tfno.: 619 606 625

Introdución

A gripe é unha enfermidade transmisíbel e previble, que pode evolucionar desde leve a grave e ser incluso mortal, sobre todo en persoas de risco. Por iso a Consellería de Sanidade realiza cada outono desde 1991, a través da Dirección Xeral de Saúde Pública e do Servizo Galego de Saúde, a campaña de vacinación antigripal.

Segundo o Centro Europeo para a Prevención e Control das Enfermidades (ECDC), na Unión Europea (UE) prodúcese entre 15.000 e 70.000 mortes por causas relacionadas coa gripe ao ano, o cal equivalería en Galicia, se usamos a media da UE, a unhas 90-425 mortes ao ano, cifra que teríamos que multiplicar por centenas para coñecer os casos de pacientes que presentan anualmente síntomas debido a ela.

A vacina demostrouse segura e eficaz para diminuír o número de complicacións desta enfermidade, o cal, este ano, ante a posibilidade de convivencia co SARS-CoV-2, adquire unha maior relevancia se cabe, xa que debemos coidar o sistema sanitario para que teña a capacidade de asumir a atención aos pacientes que presenten calquera destas enfermidades axudando a diminuír o número de mortes, ingresos e enfermos. Por iso, é moi importante acadar unha alta cobertura, tanto pola protección individual como pola axuda a romper as cadeas de transmisión e protexer os demais.

Este ano a vacinación antigripal é máis importante que nunca, xa que implicaría unha tempada gripal máis leve que permitiría redistribuír esforzos que noutros invernos están centrados na gripe.

A vacina da gripe reformúlase cada ano debido á variación constante dos virus gripais, co obxectivo de que concorden os virus incluídos na vacina cos circulantes. A vacina recomendada para esta tempada 2020-2021 ten os seguintes compoñentes:

As vacinas trivalentes actualízanse por completo:

- Cepa análoga a A/Guangdong-Maonan/SWL1536/2019 (H1N1)pdm09.
- Cepa análoga a A/Hong Kong/2671/2019 (H3N2).
- Cepa análoga a B/Washington/02/2019 (liñaxe B/Victoria).

As vacinas tetravalentes deben conter na súa composición, ademais das anteriores, unha cepa análoga a B/Phuket/3073/2013 (liñaxe B/Yamagata/16/88), que xa se encontraba tamén nas tetravalentes do ano pasado.

Este ano a loxística da campaña é máis complexa, xa que dispomos de 4 vacinas distintas:

- Usarase a vacina **tetraivalente de alta carga, Fluzone HD®**, que ten unha maior inmunoxenicidade e as catro cepas, para todas as persoas de 65 ou máis anos ingresadas en residencias da terceira idade.
- A vacina **trivalente adxuvada, Chiromas®**, está destinada ao resto das persoas de 65 ou máis anos, non ingresadas en residencias ou, en caso de que xa non se dispoña de doses da anterior, tamén se poderá usar naquelas persoas de 65 ou máis anos ingresadas en residencias.
- Empregaranse vacinas **tetraivalentes** no resto da poboación: menores de 65 anos que teñan indicada a vacinación. Sempre en cando teñan máis de 3 anos, poderá usarse **Influvac Tetra®**, podendo empregar **Vaxigrip Tetra®** en todos aqueles maiores de 6 meses.

Dada a boa acollida e os bos resultados acadados na campaña anterior, este ano manterase a oferta ao **persoal sanitario** dos centros sanitarios públicos e privados de vacinarse unha semana antes do comezo da campaña para a poboación xeral. Manterase a singularización dos profesionais sanitarios vacinados coas chapas que levan o lema “Eu vacineime. E ti?”, marcando o seu compromiso coa vacinación e os seus pacientes.

Continuarase coa iniciativa de publicar **informes mensuais para os profesionais sanitarios de atención primaria pública sobre a cobertura de vacinación antigripal da súa cota/grupo a través do aplicativo WPRES** para a autoavaliación e adopción de medidas de mellora, de considerarse oportuno.

Cómpre lembrar que esta é unha campaña de moi alto impacto no sistema asistencial, xa que implica a participación dun importante número de profesionais sanitarios que desenvolven o seu traballo en centros nos que se atenden as persoas pertencentes a grupos de risco, e de aí a enorme importancia da colaboración de todos os profesionais implicados nela.

1. Obxectivos da campaña

Os obxectivos que se pretenden acadar nesta campaña de vacinación detállanse a continuación:

Obxectivo xeral

Diminuír o número e a gravidade das complicacións derivadas do padecemento da gripe tentando minimizar o impacto na saúde mediante a súa prevención.

Obxectivos específicos

- Conseguir unha cobertura vacinal na poboación de 65 ou máis anos igual ou superior ao 75 %.
- Conseguir unha cobertura nos traballadores sanitarios do Servizo Galego de Saúde superior ao 75 %.
- Conseguir unha cobertura nas mulleres embarazadas e persoas con condicións de risco superior ao 60 %.

Obxectivos de xestión

- Conseguir que a porcentaxe de doses recollidas ao remate da campaña sexa menor dun 5 % das doses subministradas aos centros.
- Conseguir que a relación entre as doses rexistradas e as utilizadas sexa de máis do 97 %.

2. Duración da campaña

- Inicio: **13 de outubro de 2020.**
- Fin: **31 de decembro de 2020.**

Ao persoal sanitario dos centros sanitarios públicos e dos hospitais de titularidade privada ofertaráselle a vacinación desde o día **5 de outubro**, para afrontar a campaña protexido fronte a esta enfermidade e evitar o risco de transmisión da gripe aos seus pacientes, sobre todo a aquelas persoas con alto risco de padecer as súas complicacións.



3. Administración da vacina fronte á gripe

Esta vacinación realízase como consecuencia dunha decisión da autoridade sanitaria en materia de saúde pública, por un risco epidemiolóxico e para preservar a saúde colectiva e a das persoas con maior risco de desenvolver complicacións por esta enfermidade, polo que non require diagnóstico nin prescrición previa.

Estas recomendacións de vacinación fórmulanse ao abeiro do establecido na Lei 33/2011, do 4 de outubro, xeral de saúde pública, e na normativa das comunidades autónomas nesta materia.

É importante, este ano máis que nunca, concertar cita para a vacinación nos centros de saúde e non acudir directamente sen estar citado.

4. Poboación diana

4.1. Persoas con risco de complicacións

- Persoas de 60 ou máis anos, realizando especial fincapé a partir dos 65 anos.
- Persoas institucionalizadas de maneira prolongada (residencias de persoas maiores e outros centros de atención a crónicos).
- Persoas de calquera idade (6 meses-60 anos) que teñan maior risco de complicacións derivadas da gripe.
 - Nenos de entre 6 meses e 2 anos de idade que naceran prematuros (<32 semanas de xestación).
 - Nenos e adolescentes (de 6 meses a 18 anos) que reciben tratamentos prolongados de ácido acetilsalicílico, pola posibilidade de desenvolver unha síndrome de Reye.
 - Mulleres embarazadas en calquera trimestre da xestación e durante o puerperio (ata 6 meses tras o parto) que non se tiveran vacinado no embarazo.
 - Persoas menores de 60 anos e maiores de 6 meses con algunha das seguintes patoloxías que presentan un maior risco de padecer complicacións derivadas da gripe, principalmente se precisan seguimento médico periódico ou foran hospitalizadas no ano precedente:

- Enfermidades crónicas cardiovasculares, neurolóxicas ou respiratorias, incluíndo displasia broncopulmonar, fibrose quística e asma.
- Diabetes mellitus.
- Obesidade mórbida (IMC ≥ 40 en adultos, ≥ 35 en adolescentes ou ≥ 3 DS na infancia).
- Enfermidade renal crónica e síndrome nefrótica.
- Hemoglobinopatías e anemias.
- Hemofilia, outros trastornos da coagulación e trastornos hemorráxicos crónicos, así como receptores de hemoderivados e transfusións múltiples.
- Asplenia ou disfunción esplénica grave.
- Enfermidade hepática crónica, incluíndo alcoholismo crónico.
- Enfermidades neuromusculares graves.
- Inmunosupresión (incluídas as inmunodeficiencias primarias e a orixinada pola infección por VIH, por fármacos –incluído o tratamento con eculizumab–, nos receptores de transplantes e déficit de complemento).
- Cancro e hemopatías malignas.
- Implante coclear ou en espera del.
- Fístula de líquido cefalorraquídeo.
- Enfermidade celíaca.
- Enfermidade inflamatoria crónica.
- Trastornos e enfermidades que implican disfunción cognitiva: síndrome de Down, demencias e outras.

4.2. Persoas que lles poden transmitir a gripe a persoas con alto risco de presentar complicacións

- Persoal dos centros, servizos e establecementos sanitarios, tanto de atención primaria como hospitalaria, pública e privada, así como persoal de oficinas de farmacia. Farase especial fincapé no persoal que ten contacto mantido con pacientes dalgún dos grupos de risco anteriormente descritos.
- Persoas que traballan en institucións xerátricas ou en centros de atención a enfermos crónicos, especialmente os que teñan contacto continuo con persoas vulnerables.
- Estudantes en prácticas en centros sanitarios.
- Persoas que proporcionen coidados domiciliarios a pacientes de risco ou maiores.

- Persoas que conviven no fogar, incluídos os menores a partir dos 6 meses de idade, con outras que pertencen a algúns dos grupos de risco, pola súa condición clínica especial.

4.3. Outras persoas nas que se recomenda a vacinación

- Traballadores en servizos públicos esenciais, destacando:
 - Forzas e corpos de seguridade do Estado.
 - Bombeiros.
 - Servizos de protección civil.
 - Persoal que traballa nos servizos de emerxencias sanitarias.
 - Persoal de institucións penitenciarias e doutros centros de internamento xudicial (incluídos centros de acollida de inmigrantes).
- Persoas con exposición laboral directa a aves domésticas ou a porcos en granxas ou explotacións avícolas ou porcinas e tamén a aves silvestres. A finalidade é reducir a oportunidade dunha infección concomitante de virus humano e aviario ou porcino, diminuíndo a posibilidade de recombinación ou intercambio xenético entre ambos os virus.

O feito de ter padecido COVID-19 non indica a vacinación antigripal, a indicación é a pertenza a un dos grupos anteriormente descritos.

5. Información técnica sobre as vacinas antigripais

Composición

Vacina trivalente INACTIVADA que contén os seguintes antíxenos por dose:

- Cepa análoga a A/Guangdong-Maonan/SWL1536/2019 (H1N1)pdm09.
- Cepa análoga a A/Hong Kong/2671/2019 (H3N2).
- Cepa análoga a B/Washington/02/2019 (liñaxe B/Victoria).

Vacina tetravalente INACTIVADA que contén ademais dos anteriores:

- Cepa análoga B/Phuket/3073/2013 (liñaxe Yamagata/16/88).

Indicaciones por tipos de vacuna

Nesta campaña subministraranse catro vacinas distintas:

Nome comercial	Idade	N.º compoñentes	Laboratorio	Características
Chiromas®	≥65 anos	Trivalente	Seqirus	Adxuvada
Fluzone HD®	≥65 anos en residencias*	Tetraivalente	Sanofi Pasteur	Alta carga
Vaxigrip Tetra®	6 meses-64 anos	Tetraivalente	Sanofi Pasteur	
Influvac Tetra®	3 anos-64 anos	Tetraivalente	Mylan	

* En caso de que as doses dispoñibles non cubran a totalidade dos institucionalizados, poderase utilizar a vacina Chiromas® neste colectivo.

Pautas e vía de administración

PAUTA DE VACINACIÓN

- En maiores de 9 anos unha dose única de 0,5 ml.
- Nos nenos menores de 9 anos que se vacinan por primeira vez, débense administrar dúas doses de 0,5 ml separadas por un intervalo de polo menos 4 semanas.




CHIROMAS®

- Esta vacina só está autorizada en adultos de 65 ou máis anos.
- Vía de administración:
 - Intramuscular.
- Dose: 0,5 ml.



FLUZONE HD®

- Para adultos de 65 ou máis anos, aínda que nesta campaña se reservará para aqueles ingresados en residencias.
- Dose: 0,7 ml.
- Vía de administración:
 - Intramuscular preferentemente, aínda que tamén se pode administrar subcutánea.



VAXIGRIP TETRA®

- ▮ Pode utilizarse en adultos e en nenos a partir dos 6 meses de idade
- ▮ Dose 0,5 ml.
- ▮ Vía de administración:
 - Intramuscular ou subcutánea.



INFLUVAC TETRA®

- ▮ Pode utilizarse en adultos e en nenos a partir dos 3 anos de idade
- ▮ Dose 0,5 ml.
- ▮ Vía de administración:
 - Intramuscular ou subcutánea profunda.

Conservación

- ▮ Conservar en neveira, entre +2 °C e +8 °C, e coa súa embalaxe exterior para protexela da luz.
- ▮ Non deben conxelarse.

A mellor estratexia para a prevención da gripe e as súas complicacións é a vacunación anual.



Inmunoxenicidade e efectividade

A eficacia e a efectividade da vacina pode variar entre un 30-80 % dependendo da idade e da inmunocompetencia da persoa, así como do grao de similitude entre os virus contidos na vacina e os virus circulantes.

Aínda así, a vacina da gripe ten un importante beneficio, xa que reduce a frecuencia de complicacións secundarias e diminúe, así mesmo, o risco de hospitalización e morte relacionada coa gripe nos maiores e en persoas con condicións médicas de risco.

Despois da vacinación, a maioría dos nenos e adultos novos desenvolven títulos de anticorpos que protexen fronte á infección de cepas similares ás incluídas nas vacinas. A resposta de anticorpos pode ser menor en pacientes con inmunodeficiencia.

Efectos secundarios

As vacinas antigripais non poden ocasionar a gripe, xa que conteñen soamente virus fraccionados non infecciosos ou antígenos (inactivados).



Os efectos adversos son pouco frecuentes e, cando aparecen, adoitan ser locais e autolimitados.

O efecto secundario máis frecuente é a reacción local (dor, eritema, induración) no lugar da inxección, que dura menos de 48 horas. As reaccións locais aparentes resólvense espontaneamente despois de 1-3 días tras o seu inicio e, polo xeral, son leves e raramente interfieren coas actividades rutineiras.

Con menor frecuencia (<10%), poden ocorrer dous tipos de reaccións sistémicas:

- ▮ Febre, cefalea, malestar, mialxias e outros síntomas sistémicos, que se inician ás 6-12 horas tras a vacinación, e persisten 1-2 días. Afectan máis a miúdo a aquelas persoas non vacinadas con anterioridade.
- ▮ Con moi pouca frecuencia poden aparecer reaccións inmediatas (presumiblemente alérxicas), que se manifestan como anxioedema, asma ou anafilaxe. Probablemente, estas reaccións prodúcense por hipersensibilidade a algún compoñente da vacina.

Para máis información pode consultar as fichas técnicas das vacinas dispoñibles en <http://gripe.sergas.gal>



As vacinas antigripais son seguras e efectivas en todos os grupos de idade.

Precaucións e contraindicacións

- I A vacina non se debe administrar a persoas con **antecedentes de reacción anafiláctica** a doses previas ou a algún compoñente da vacina.
- I No caso de **enfermidade febril severa concorrente**, a vacinación deberá diferirse ata que remitan os seus síntomas.

Non obstante, enfermidades menores con ou sen febre non contraindican o uso da vacina da gripe, particularmente en nenos con infección leve do tracto respiratorio superior ou rinite alérxica, polo que nestes casos a vacinación non se debería pospoñer.

- I Persoas que non sexan de alto risco e que padecesen síndrome de Guillain-Barré (SGB) nas 6 semanas posteriores a unha dose previa de vacina antigripal.

Aínda que non existe unha clara evidencia da asociación causal entre a vacina antigripal e a SGB, nese caso parece prudente non administrarles a vacina.

No caso de persoas con antecedentes de SGB que teñen un risco moi elevado de complicacións gripais graves, a maioría dos expertos cren que os beneficios da vacinación antigripal xustifican o seu uso, xa que o padecemento da gripe implica un maior risco de presentar recaídas respecto á SGB que a vacinación. As investigacións realizadas indican que non existe un incremento substancial da incidencia desta síndrome coa vacinación antigripal.

- I O feito de ter padecido infección por SARS-CoV-2 **non contraindica** a vacinación.
- I A aplicación da vacina **non está contraindicada** en persoas inmunodeficientes calquera que sexa o motivo, dado que as vacinas dispoñibles son vacinas inactivadas e, polo tanto, non existe risco de proliferación viral. Tan só se pode esperar unha menor resposta inmune.
- I A vacinación **tampouco está contraindicada** no período de lactación materna. Ao contrario, está recomendada, pois evita riscos á nai e ao neno.
- I A vacina Vaxigrip Tetra® está exenta de látex. Na vacina Chiromas®, aínda que non se detectou látex de caucho natural no tapón da punta da xiringa, non se estableceu a seguridade do seu uso en persoas sensibles ao látex. Influvac Tetra® non contén látex, pero o fabricante non pode rexeitar a posibilidade de que o produto estivese en contacto con instrumentos que si o conteñan. En canto a Fluzone HD®, o fabricante certifica ausencia de látex nos distintos compoñentes da vacina.
- I As catro vacinas están cultivadas en ovos; non obstante, existe evidencia suficiente para recomendar que as persoas con historia de alerxia despois da exposición ao ovo poidan recibir vacinas fronte á gripe sen precaucións especiais. As precaucións

deben ser similares ás tomadas ante a administración de calquera outra vacina. No caso de ter presentado reaccións alérxicas graves ou anafilaxe ao ovo, a vacinación será realizada por persoal con experiencia e supervisarse 30 minutos tras a administración.

- I No caso de persoas de alto risco con contraindicación á vacina, a utilización de antivíricos é unha opción para previr a gripe, e igualmente débese lembrar a vacinación dos seus conviventes.
- I As persoas con trastornos da coagulación ou en tratamentos anticoagulantes poden desenvolver hematomas no lugar da inxección. Isto non contraindica a vacinación e, de precisar unha vacina cuxa vía de administración sexa unicamente intramuscular, debe utilizarse unha agulla fina (calibre ≤ 23 G) aplicando presión local sen fretar durante 2 minutos. Se está con tratamento fronte á hemofilia ou similar, aproveitarase para vacinar inmediatamente tras a administración do tratamento. En todo caso, é aconsellable consultar co especialista.

Administración simultánea da vacina antigripal e outras vacinas

As vacinas antigripais pódense administrar simultaneamente con outras vacinas, sempre e cando a súa administración se realice en lugares anatómicos diferentes.

Para máis información, pódense consultar as fichas técnicas en:

<http://gripe.sergas.gal>

6. Xestión

6.1. Distribución de vacinas a puntos de vacinación

Carga inicial

- I Os centros pertencentes ao Sergas e os hospitais privados recibirán a carga inicial de doses do 28 de setembro ao 3 de outubro sen teren que solicitala.
- I Os restantes centros (centros médicos privados...) deberán solicitalle a carga inicial de doses das diferentes vacinas á xefatura territorial da Consellería de Sanidade correspondente.
- I Os centros da terceira idade deberán solicitar as vacinas o máis pronto posible.

Distribución de vacinas

As peticións deberán realizarse antes das 14.00 horas.



1.^a-2.^a semana (13-23 de outubro)

A distribución realizarase 3 días á semana:

- I **Martes:** distribuiranse as vacinas solicitadas ata o venres anterior.
- I **Mércores:** distribuiranse as vacinas solicitadas ata o luns previo.
- I **Venres:** distribuiranse as vacinas solicitadas ata o mércores previo.

A partir da 3.^a semana da campaña (26 de outubro-31 de decembro)

A distribución realizarase 2 días á semana:

- I **Martes:** distribuiranse as vacinas solicitadas ata o venres anterior.
- I **Xoves:** distribuiranse as vacinas solicitadas ata o martes previo.

NON SE SERVIRÁN ENVÍOS EXTRAORDINARIOS

(agás en casos moi puntuais e debidamente xustificados).

Peticións

As peticións realizaranse á xefatura territorial de Sanidade correspondente, a través da páxina web do Sergas, no seguinte enlace:

web <https://cutt.ly/TfDX9X5>

Seleccionar a opción que proceda:

- I **Centros pertencentes á rede do Servizo Galego de Saúde:** os usuarios accederán introducindo o *login* e o *password* que utilizan habitualmente.
- I **Restantes centros:** poderán introducirse no sistema mediante certificado dixital.

As residencias da terceira idade deberán solicitar as doses de vacina tetravalente de alta carga, **Fluzone HD®**, axustadas ao número de internos de 65 ou máis anos e vacinas tetravalentes para o resto dos residentes e o persoal sociosanitario.

Ante algunha circunstancia que impida realizar a petición por esta vía, deberá poñerse en contacto coa xefatura territorial de Sanidade correspondente.

A solicitude de doses terá que adaptarse ás necesidades reais do centro, tendo en conta:

- As doses administradas en anos pasados.
- As estimacións para este ano.
- Nas primeiras semanas entregaranse doses tres veces por semana e no resto da campaña dous días á semana.

No caso de existiren claras diferenzas entre as doses distribuídas e as rexistradas, os técnicos das xefaturas territoriais valorarán as cantidades que cómpre subministrar.

Tipo de vacina e número de doses que se solicitarán

Tendo en conta o stock existente no centro e o número de persoas que se prevé vacinar ata o momento da seguinte entrega, estimarase o número de doses que se van precisar de:

Chiromas®: Persoas de 65 ou máis anos.

Fluzone HD®: Persoas de 65 o máis anos en **residencias**.

Vaxigrip Tetra®: Persoas menores de 65 anos (a partir dos 6 meses).

Influvac Tetra®: Persoas menores de 65 (a partir dos 3 anos).

6.2. Recepción das vacinas e mantemento da rede de frío

Cando se reciban as vacinas, verificarase que o tipo de vacina e o número de doses se corresponde co que figura no albará de entrega.

As vacinas deberán trasladarse inmediatamente á neveira, conservarse a unha temperatura de entre +2 °C e +8 °C, evitando a súa conxelación e a exposición á luz.

A neveira deberá estar dotada dun termómetro de temperatura máxima e mínima, do cal se deberán realizar dúas lecturas diarias: á primeira e á última hora da xornada laboral, e rexistralas.

As incidencias na recepción de vacinas débenselle notificar á xefatura territorial de Sanidade correspondente (vexase o anexo II), así como toda ruptura da rede de frío, especificando a temperatura dese momento, a máxima e mínima acadadas, así como o número estimado de horas de exposición ás ditas temperaturas.

É necesaria a devolución do material reutilizable no que se reciben as vacinas, especialmente as **bolsas isotérmicas**, ao recibir a seguinte entrega.

6.3. Rexistro das doses administradas

- A vacunación das mulleres embarazadas durante a tempada da gripe deberá rexistrarse na epígrafe “Embarazadas”, aínda que pertencen a algún outro grupo de risco, **priorizándose o rexistro do embarazo sobre outros grupos.**
- Durante a campaña, nos casos en que o persoal de enfermaría se desprace aos domicilios para visitas proactivas ou de seguimento de enfermos crónicos, levará consigo vacinas antigripais para ofrecerlles a vacunación e proceder a esta nese momento. Lémbrase a importancia de rexistrar estas vacinas desde o centro.

Nos centros da rede do Sergas, as doses administradas débense rexistrar a través do módulo habilitado en IANUS para a campaña.

Os restantes centros rexistrarán vía web as doses que administren no seguinte enlace:

[web https://cutt.ly/9fDVgAR](https://cutt.ly/9fDVgAR)



As vacinas débense rexistrar evitando demoras na súa informatización.

Dado que o número de vacinas de alta carga, Fluzone HD[®], é limitado, deberá realizarse o seu rexistro inmediato para un axeitado aproveitamento destas, causándolles o menor prexuízo ás persoas máis vulnerables, que son as receptoras da vacina.

En caso de dúbida, os centros débense poñer en contacto coa xefatura territorial de Sanidade correspondente.

Levarase un control das vacinas rexistradas, de cara a xestionar as peticións de reposición de doses vacinais.

Rexistro das renuncias

Existe un apartado específico para consignar esta información. En caso de que a persoa á que se lle indica a vacunación renunciase a ela, deberase consignar na epígrafe correspondente.

6.4. Recollida de doses sobrantes

Unha vez finalizada a campaña, as xefaturas territoriais de Sanidade poñeranse en contacto cos centros para solicitarlles o número de doses de vacina antigripal que cómpre recoller.

Os puntos que o precisen poderán quedar cun pequeno número de vacinas antigripais para completar pautas.

7. Seguimento e avaliación da campaña. Informes

Como na campaña anterior, os profesionais médicos e de enfermaría de atención primaria terán dispoñible a través da plataforma WPRESS o informe da cobertura de vacinación da súa cota/grupo e a súa comparativa co centro/unidade de atención primaria e área sanitaria correspondente.

Previamente ao inicio desta, no mes de outubro, publicarase este informe cos datos relativos á campaña pasada (2019) para que sirvan de punto de partida; posteriormente, nos meses de novembro, decembro, xaneiro e febreiro poñeranse á disposición os informes relativos a esta campaña 2020, que proporcionarán información actualizada e permitirán avaliar o desenvolvemento da vacinación neste ano, posibilitando levar a cabo as accións que se consideren oportunas.

Semanalmente e durante o transcurso da campaña, publicarase na páxina web temática da gripe a información sobre a evolución da vacinación.

<http://gripe.sergas.gal>

Logo de rematar a campaña, procederase a elaborar o informe final da campaña, que, unha vez rematado, se publicará nesa mesma páxina web.

A información relativa a esta campaña pódese consultar
na web temática da gripe da
Dirección Xeral de Saúde Pública:

<http://gripe.sergas.gal>



Carmen Durán Parrondo
DIRECTORA XERAL DE SAÚDE PÚBLICA



Jorge Aboal Viñas
DIRECTOR XERAL DE ASISTENCIA SANITARIA



Anexos





Anexo I. Coordinadores/as das áreas sanitarias

A Coruña e Cee

Montserrat Cendán Vérez

Tfnos.: 981 178 000 ext. 297 211 / 291 023

Correo electrónico: montserrat.cendan.verez@sergas.es

Enrique González Rodríguez

Tfnos.: 981 178 000 / 981 219 100

Correo electrónico: enrique.gonzalez.rodriguez@sergas.es

Ferrol

Luis Arantón Areosa

Tfnos.: 981 334 018 / 234 008

Correo electrónico: luis.aranton.areosa@sergas.es

Santiago de Compostela e Barbanza

Montserrat Souto Pereira

Tfno.: 250 480

Correo electrónico: montserrat.souto.pereira@sergas.es

Lugo, Cervo e Monforte de Lemos

Ángeles Dono Díaz

Tfno.: 536 299

Correo electrónico: maria.de.los.angeles.dono.diaz@sergas.es

Ourense, Verín e O Barco de Valdeorras

Josefa Rodríguez Araujo

Tfno.: 988 385 512

Correo electrónico: josefa.rodriguez.araujo@sergas.es

Pontevedra e O Salnés

Juan Alberto Vázquez Vilar

Tfno.: 986 807 011 / 287 011

Correo electrónico: juan.alberto.vazquez.vilar@sergas.es

Vigo

María del Mar de la Peña Cristiá

Tfnos.: 619 606 625

Correo electrónico: maria.del.mar.de.la.pena.cristia@sergas.es

Anexo II. Xefaturas territoriais da Consellería de Sanidade

A Coruña

Tfnos.: 981 082 250 / 981 082 353 / 981 155 822 / 981 082 264

Correo electrónico: corunavacinas.dlpc@sergas.es

Lugo

Tfnos.: 982 292 117 / 982 292 113

Correo electrónico: xtlu.vacinas@sergas.es

Ourense

Tfnos.: 988 066 513 / 988 066 347

Fax: 988 066 302

Correo electrónico: vacinas.sanidade.ourense@sergas.es

Pontevedra

Tfnos.: 986 885 881 / 986 885 824 / 986 885 826

Fax: 986 885 802

Correo electrónico: vacinas.delegacion.pontevedra@sergas.es

Unidade de Vigo

Tfnos.: 986 817 724 / 986 877 232

Correo electrónico: vacinas.delegacion.pontevedra@sergas.es

A información relativa a esta campaña pode consultarse na web temática da gripe da Dirección Xeral de Saúde Pública:

<http://gripe.sergas.gal>

